

唐
音
統
籤

己籤一

初唐之三人同卷

唐晉統籤卷八百十九

許潤師

安陸人博涉藝文顯慶中累黃門侍郎恭大政四遠為左相

咏牛應制

逸足還同驥奇毛自偶麟欲知花跡遠雲影入天

津

張大安

魏州繁水人上元中歷太子庶子同中書門下三品章懷太子令與劉訥言等同注

花碑漢書太子廢

奉和別越王

王太宗之子武后時為豫州刺史

盛藩資右戚連夢重皇情離襟愴昨苑分途指鄰

城麗日開芳甸佳氣積神京何時驂駕入還見謁

承明

楊思玄

師通兄子高宗時為吏部侍郎國子祭酒

奉和聖制過溫湯

豐城觀漢迹溫谷幸秦餘地接幽王壘塗分鄭國渠
風威肅文衛日彩鏡離輿遠岫凝氛重寒叢對影疎
迴瞻漢章關佳氣滿宸居

奉和別魯王

元王詩傳博文后寵靈優勗蓋動宸眷龍章送遠
遊函關疏別道灞岸引行舟北林分苑樹東流溢
御溝鳥聲含羽碎騎影曳花浮聖澤九域普天文

七曜周方圖獻雅樂簪帶奉鳴球

裴聖真

絳州人高宗時為太常博士天授中為司憲府丞出刺成州徙寧州卒

奉和太子納妃太平公主出降三首

瑜珮升青殿
穠華降紫微
還如桃李發
更似鳳凰飛
金屋真離象
瑤臺起婺微
綵纓紛碧坐
綃羽泛綸衣

雲路移形輦
天津轉明鏡
仙珠照乘歸
寶月重輪映
望園嘉宴洽
主第歡娛盛
係竹揚帝薰
簪裾奉宸慶

發雲霧
曉光湛
露晞朝陽天
文天景麗
睿藻膺詞

芳玉庭散秋色銀宮生夕涼太平超遙古萬壽樂
無疆

蕭楚材 高宗時太常博士

奉和展禮成宗塗經濮濟

拂漢星旗轉分霄日月明將追會阜跡更勒成宗
銘林戈咽濟岸獸鼓震河庭葉箭凌寒矯鳥步望
曉驚已降汾水作仍深迎渭情

薛堯構

奉和展禮成宗塗經濮濟

龍圖冠脊陸鳳鳩指云亭非煙長濟浦綠宇啓河

訂畫裳晨應月文戟曙分星四田巡捍禮三駟道
契經行欣奉萬歲竊抃偶千齡

辛常伯

軍中行路難

與駟賓王同作

君不見封狐雄虺自成羣憑深負固結妖氛玉璽
分兵徵惡少金壇授律動將軍將軍擁麾軍廟畧
戰士橫戈靜夷落長驅一息背銅梁五指三危登
劍閣閣道名冤起戍樓劍門遙喬嶺蠻丘叩關九
折無平路江水雙源有急流征役無期返他鄉歲
華晚者、丘陵出蒼、林薄遠途危紫蓋峯路澀

青泥坂去々指哀牢行々入不毛絕壁千里險連
山四望高中外分區宇夷夏殊風土交趾枕南荒
昆彌臨北戶川原饒毒霧谿谷多窪雨行潦四時
流朋查千歲古漂梗飛蓬不暫安捫蘿引葛陟危
巒昔時開道從軍樂今日方知行路難滄江綠水
東流駛炎州丹繳南中地南中南斗映星河蒸閩
秦塞阻烟波三春邊地風光少五月瀘州瘴厲多
朝駭疲斥候々息倦樵歌向月彎繁弱連星轉太
阿重義輕生懷一顧東伐西征凡幾度夜々朝々
斑駁新年々歲々戎衣故襦城隅滇池水天涯望

轉積地際行無已徒覺炎涼節物非不知關山千

萬里棄置勿重陳重陳多苦辛且悅清砧梅柳曲

詎憶芳園桃李人絳節紅旗分日羽丹心白刃酬

明主但今一被君王知誰憚三邊征戰苦行路難

歧路幾千端無復歸雲憑短翰空餘望日想長安

邵一震

字令遠
安陽人

九月九日登玄武山旅望

蜀中與王
勃同作

九月九日望遙空秋水秋天坐夕風寒雁一向南

飛遠游人幾度菊花叢

田游巖

京兆人隱箕山說許由廟東築室而居自
稱許由東隣高宗勅赴都拜紫文館學士

與裴炎善故還山

弘農清巖曲有盤石可坐宋十一每拂拭待

余寄詩贈之

信彼稱靈石居然聊避棲徘徊承翠巘斌駁帶深
谿夕陰起層岫清景半虹霓風來應嘯阮破動可
琴嵇僕也潁陽客望彼空思齊僕見山人至瞻嵩
丘杖藜

于季子咸亨中進士第

詠雲

瑞雲千里映祥輝四望新隨風亂鳥翅泛水結魚

鱗布葉疑臨夏開
花詐待春願得承
嘉景無令接
桂輪

詠螢

卉草誠幽賤枯朽絕因依
忽逢借羽翼不覺生光
輝直念恩華重長嗟報効微
方思助日月為許願
曾飛

早春洛陽客社審言

梓澤年光往後來杜霸游人去不迴
若非載筆登
麟閣定是吹簫伴鳳臺
路傍桃李花猶嫩波上笑
蘼葉未開分明寄語長安道
莫教留滯洛陽才

詠項羽

北伐雖全趙東歸不王秦空歌拔山力羞作渡江人

咏漢高祖

百戰方夷項三章且代秦功歸蕭相國氣盡戚夫人

南行別弟

一作楊師道詩英華作韋承慶南中咏雁

萬里人南去三春鴈北飛不知何歲月得與爾同

歸

陳元光

字廷炬光州人高宗朝以左郎將戍閩進廣南行軍總管奏開漳州為郡世守刺史

後死于
潮冠

落成會詠一首

泉潮天萬里一鎮屹天中
筮宅龍鍾地承恩燕翼
宮環堂巍嶽秀帶礪大江
雄輪英雲霄望晶華日
月通凌烟喬木茂獻寶介
圭崇昆俊歌常棣民和
教即戎盤庚遷美玉陶侃
效兼庸儼醴延張老開
晴禮呂蒙無孤南國仰庶
補脞皇功

示珣

元光
子也

恩銜楓陞渥策向桂淵弘
載筆沿儒習持矛績祖
風祛災勦猛虎溥德翺飛
龍日閱書開士星言駕

勸農勤勞思命重戲謔逐時空百粵雲綸滿諸戎
澤普通願言加壯勞勿坐髿霜蓬

太母親氏半徑題石

喬岳標仙蹟玄扃妥壽姬烏號非嶺海鵲仰向京
師繫牒公侯裔懸孤將相兒清貞蜚簡籍規範肅
門楣萬里提兵路三年報母慈劒埋龍子壤石卧
虎司碑憂閼情猶結祥回禪屆期竹符忠介藥桐
杖孝思淒許史响隣篆曹侯感舊詩鴻濛山暝啟
駸彩德昭垂華表瑤池冥清漳玉樹枝昭題盟岳
瀆展墓慶重熙

許天正

汝南人為陳元光副使

和陳元光平潮寇詩元光贈詩云奉軍許天

云

抱磴從天上驅車返嶺東氣昂無醜虜策妙詘羣

雄飛絮隨風散餘氛嚮日鎔長戈收百甲聚騎破

千重落劍惟戎首游繩繫協從四野無堅壁群生

未化融龍湖膏澤下蚤晚遍枯窮

徐珩

以下二人紀事
云並在高宗時

日暮望涇水

導源經隴阪屬內貫巖都下瀨波常急迴折瀾亦

行毒流秦卒斃泥囊漢田腴獨有迷津客懷歸軫
暮途

鄭義真

奉和聖製過溫湯

洛川方駐蹕豐野暫停鑿湯泉恒獨涌溫谷豈知
寒漏鼓依巖畔相風出樹端崩烟遙聚草山月迴
臨鞍日用誠多幸天文遂仰觀

賀敬

詩紀叙
高宗時

奉和九月九日應制

商飈凌素籥玄覽貫黃圖晚霜驚斷雁晨吹結相

一作

鳥寒花低岼菊涼葉下庭梧澤宮申舊典相

圖叶前模玉砌分離戟金溝轉鏤戰帶星飛夏箭

映月上軒弧慶展簪裾洽恩融雨露濡天文發丹

篆寶思播玄珠承懷徒聳并負弛竊忘軀

胡元範

申州義陽人武后時為鳳閣侍郎坐殺裴炎流死瓊州

奉和太子納妃太平公主出降

帝子威儀絕儲妃禮度優疊鼓陪仙觀凝笳翼画

輶鬱一神香瀟爽一彩雲浮排空列錦罽勝觀溢

皇州

金闥未息火玉樹鍾天愛月路飾還裝星津動歸

佩紫極流宸渥清規佇慈誨恩波洽九流光輝秋
千載

列席詔親賢式宴坐神仙聖文飛聖筆天樂奏鈞
天曲池涵瑞景文字孕祥煙小臣同百獸率舞悅

堯年

魏元忠

宋州人天后朝為鳳閣侍郎中宗朝為中書令封齊國公後以預節愍誅武三思謀

司馬

修書院學士奉勅宴梁王宅

賦得門字

大君敦宴賞萬乘下梁園酒助閒平樂人當雨露
恩榮光開帳殿佳氣滿旌門願陪南岳壽長奉北

宸樽

銀潢宮侍宴應制

得枝字

別殿秋雲上離宮夏景移
寒風生玉樹涼氣下瑤池
澗花仍吐葉巖木尚抽枝
願奉南山壽千秋長

若斯

韋安石

京兆萬年人歷相則天及中宗睿宗數相
封二張武三思不附太平公主開元初為

義陵所
構貶死

奉和九日幸臨渭亭登高應制

得枝字

重九開秋節得一動宸儀
金風飄菊蕊玉露泫萸枝
睿覽八紘外天文七曜披
臨深應在即居高豈

忘詩

化事云中宗九日登高應制二十四人章安石燕嘯詩先成于徑野盧懷慎詩後成時景

龍三
年七

侍宴旋師嘉捷應制

蜂蟻屯夸落熊羆逐漢飛忘軀百戰後屈指一
年歸厚眷舒天藻深意解御衣興酣歌舞出朝野
光輝

梁王宅侍宴應制同用風字

梁園開勝景

一作境

軒駕動宸衷早荷承湛露修竹

引薰風九醞傾鍾石百獸協絲桐小臣陪宴餽獻

壽奉維嵩

李迴秀

涇陽人有文才累官鳳閣舍人長安中

奉和九月九日登慈恩寺浮圖應制

沙界人王塔金繩梵帝游言從祇樹賞行玩菊叢
秋御酒調甘露天花拂綵疏
光年將佛日同此慶時休

奉和幸安樂公主山莊應制

詰旦重門開
警蹕傳言太主奉山林是日迴與羅
一作騎此時歡喜賜千金
鸞羽鳳蕭參樂曲
荻園竹逕接帷陰
手舞足蹈方無已
萬年千歲奏薰

琴

夜宴安樂公主宅

金橘岩罷雲裡開
玉簫參差天際迴
紫鷺側弁還歸路
祇為平陽歌舞催

句

霽雲開鏡色
仙藻麗秋風
臨渭亭登高紀事應制得風字

章玄同

流所贈張錫
錫久親初為相坐時張易之流補州

黃葉因風下
甘從洛浦隈
白雲何所為
還出帝鄉來

房融

河南人武后時為相神龍中貶死高州好浮屠法嘗于廟外筆受楊嚴經

謫南海過始興廣勝寺果上人房

零落嗟殘命蕭條託勝因
方曉三界火遽洗六情塵
隔嶺天花發凌空月殿新
誰令鄉國夢終此學

分身

一作誰令故鄉思從此學分身

韋嗣立

鄭州人武后朝為鳳閣侍郎知政事神龍中為黃門侍郎父于兄弟三人皆至宰相

常于曉

山構別業中宗往幸今從官賦詩自為製序因封為道遙公睿宗立拜中書令開元初謫岳

陳州刺史

奉和九日幸臨渭亭登高應制得深字

層觀遠沉

驚旗九日臨帷行一作宮壓水岸步輦

又煙岑枝上萸新採樽中菊始斟願陪歡樂事長

與歲時課

奉和張岳州王潭州別詩二首 并序

予昔為省間與岳州張使君說潭州王都督熊同官聯事後承朝議各自東西張公與王都督

別詩二首情願殷切余覽以虞因述中和云

茂先王佐才作牧楚江隈
登樓正欲賦後遇仲宣

來黃鵠飛將遠離龍文為閑寧知首聯事聽曲有

餘哀

昔時陪二賢纓冕會神仙
一去馳江海相逢共播

遷無因千里駕忽覩四愁篇
覽諷歎何已歎終徒

愴然

偶游龍門北谿忽懷驪山別業因以言志示
弟淑奉呈諸大僚

幽谷杜陵邊風煙別幾年偶來伊水曲谿嶂各依
然蒲浦憐芳樹一作木尋崖愛綠泉巖雲隨馬足山
鳥向人前地合心俱靜言因理自玄短才叨重寄
尸祿愧妨賢每挹桂冠恩從初服旋緡梁仍欲
報歲月生空捐助岳無纖塊翰溟謝朓涓還悟北
轅夾方求南澗田

自湯還都經龍門北谿贈張左丞崔禮部崔
光祿并序

僕自湯還却經龍門北谿莊宿張左丞崔禮部
崔光祿並枉垂光顧敕公宿敦義雅尚林壑
謂急于幽尋致此命駕遂不知別有勝賞偶然
相遇寒暄未周神意已往雲霞之歆茂而不存
逸鬱放驅清塵徒企
耿歎不已而贈詩

栖閑有遇谷好事枉朝軒樹接前驅擁巖傳後騎
喧簾出野院植杖候柴門既拂林下席仍携池
上樽深期契幽賞實謂展歡言末春誠未易佳游
時更敦俄看嘯俦侶各已共飛騫延睇盡朝日長
懷通夜魂空聞岸竹動徒見浦花繁多愧春鶯曲
相求意獨存

酬崔光祿冬日述懷贈答并序

光祿崔卿公懷通識濟時良具材器耽圖籍愛
林泉不遺琴咏門多長者善與人交僕忝臺閣
早經聯事雖幸揖風采而不接殷勤崔公以雅
道自居未嘗至僭之室及僕積抱羸疾屢期放
遲朝廷恩假職以優閒多取急歸林服餌為事
門堪羅雀度見狎陽崔公則多存訪不遐風兩
方知向時迹也今晨情也蘭菊春秋有芳所栢
歲寒無變僕毅之重之故不能忘也嘗談及詞
翰願中持撫忽枉贈
章因以投報云爾

亭伯負高名羽儀稱上京魏珠能燭乘秦璧許連
城六月飛將遠三冬學已精洛陽推賢誼江夏貴
黃瓊推演中都術旋參河尹聲累遷登御府移拜
賤名卿庭聚歌鍾麗門羅榮戟榮鷄杯飛廣席獸
火列前楹散誕林園意殷勤敬愛情無吝容袍衰疾

良宴每招迎契得心逾重言忌道益真相勗忠義
節共談詞賦英離蟲曾靡棄白鳳已先鳴光接神
愈駭音來味不成短歌甘自思鴻藻彌難清東里
方希潤西河敢竊明厚誼空見迫喪德豈無誠端
守宮闈地寒煙朝暮平顧才無術淺懷器識憂盈
月下對雲關風前聞夜更昌年雖昔偶歡會此難
并為憐漳浦曲沉瀟有劉楨

上巳日被襖渭濱應制

乘春被襖逐風光
危蹕陪鸞渭渚傍
還笑當時水濱光
衰年八十待文王

袁恕已

滄洲人長安中歷司刑少卿預誅張易之兄弟拜中書令封南陽郡王後敗環州死

詠屏風

倚門雲霞滿芳林草樹新鳥驚疑欲曙花笑不關
春山對彈琴客谿留垂釣人請看車馬客行處有

風塵

李福業

調露二年進士登第官侍御史五王謀二張與謀後放番禺被害

嶺外守歲

一作李德裕詩

冬去更籌盡春隨斗柄迴寒暄一夜隔客鬢兩年

催

張循之

洛陽人唐肅宗中之並以學業著名則天時上書忤旨被誅

巫山高

一作沈
佺期詩

巫山高不極，合沓狀奇新。暗谷疑風雨，陰崖若鬼

神。月明三峽曉，

曙一作

潮滿九

二一作

江春。為問陽臺

客，應如入夢人。

送泉州李使君之任

徧海皆羗服，分符重漢臣。雲山百越路，市井十洲

人。執玉來朝遠，還珠入貢頻。連年不見雪，到歲即

行春。

張楚金

茂才，權事，歷刑部尚
書，為周興所陷。

逸人歌贈李山人

上有堯兮下有由
眠招陽兮漱潁流
其貌古其心幽
浩歌一曲兮林壑
秋道險可驚兮人
莫用樂天知命兮
寄巖洞相擊磬兮
嗟鳴鳳吾欲知往
古之不可追自悠々
於兀夢

東方虬武后時為左史嘗自稱百年後可與西門
翽翽
翔音強頓挫不圖復
親正始之音今失傳

昭君怨三首

漢道方全盛朝廷足武臣
何須薄命妾辛苦事和親

揜淚辭丹鳳銜悲向白龍
單于浪驚喜無復舊時

容

胡地無花草春來不似春自然衣帶緩非是為腰身

春雲

春雪滿空來觸處似花開不知園裏樹若個是真梅

王德真

武后時為納言又為侍中以罪流象州

奉和聖製過溫湯

握圖開萬寓屬聖啟千年驪阜疏綈騎驚鴻映保旗玉霜鳴鳳野金陣藻龍川祥烟聚危岫德水溢

飛泉停興與睿覽還舉大風篇

牛鳳及長壽中撰唐書新自武德終于弘道為百

帝受命有若魏鄭公楊仁卿牛鳳及

奉和受圖溫洛應制

八神扶一作玉輦六羽警瑤谿戒道伊川北通津

一作澗水西御圖開洛墮刻石與天齊瑞日波中

上仙舍霧裏低微臣矯弱翻抃舞接鸞鷟

王紹宗字燕烈江都人嗜學工草隸兼善畫武后時官秘書少監

三婦豔

大婦能調瑟中婦詠新詩小婦獨無事花庭曳履

綦工客且安坐春日正遲

李崇嗣

武后時奉宸府主簿

寒食

又見沈佺期集

普天皆滅燭西地盡藏煙不知何處火來就

客心然

覽鏡

歲去紅顏盡愁來白髮新今朝開鏡匣疑是別逢

蓬人

獨愁

聞道成都酒無錢亦可求不知將幾斗

一作許

銷得

此來愁

司馬逸客

天后時嘗從相王北征李乂有詩送之稱其衛為負外

雅琴篇

亭嶧陽樹落，千萬尋獨抱。出雲節孤生，不作
林影搖。結波水彩絢，丹霞岑直幹。思有託雅志，期
所任正者。果留眄雕斲，為雅琴。文以楚山玉，錯以
昆吾金。虬鳳吐奇狀，商徵含清音。清音雅調感君
子，一撫一弄懷知己。不知鍾期百年餘，還憶朝
幾千里馬卿。臺上應蕪沒，阮籍惟前空。已矣山情
水意君，不知拂匣調絃為誰理。調絃拂匣倍含情。

况復望山秋月明隴水悲風已鳴咽離鵠別鶴更
淒清將軍塞外多奇操中散林間有正聲正聲諧
風雅欲竟此曲誰知者自言幽隱之先容不道人
物知音寡誰能一奏和天地誰能再撫歡朝野朝
野歡娛樂未央車馬駢闐盛彩章歲上汾川事簫
鼓朝々伊水聽笙簧窈窕樓臺臨上路妖嬈歌舞
出平陽彈弦本自稱仁祖吹管由來許季長猶憐
雅歌淡無味淒水白雲誰相賞還將逸調賞幽心
不覺繁聲論遠意傳聞帝樂奏鈞天恍異微躬備
五修願持東武宮商韻長奉南薰億萬年

李夔

武后時為
汴州司戶

汴州喜逢宋之問

阮籍蓬池上孤韻竹林才
巨源從吏道正擁使車
來相逢且交臂相命且銜杯
醉後長歌畢餘聲繞
吹臺

鄭蜀賓

滎陽人善五言詩
長壽中終于縣尉

別親朋

唐新語云蜀賓老為江左一尉親朋
于上東門別詩酒酣自誦聲調哀

臧竟卒
于宦

畏途方萬里生涯近百年
不知將白首何處入黃

泉

鄭遂初萬載通天中李

別離怨

蕩子成遠東連年信不通塵生錦步障花逸玉屏
風只恐一作紅顏改寧辭玉簫空繫書春雁足

勉到雲中

張易之定州人武后朝與弟昌宗並承辟陽之寵
公冊人粗能屬文其應詔和詩則宋之問
關朝隱代作也中宗獲辟並伏誅

侍從過公主南宅侍宴探得風字應制

逐賞平陽第鳴笳上苑東
鳥吟千戶竹蝶舞百花叢
時攀小山桂步挹大王風
坐客無勞起秦蕭曲

未終

泛舟侍宴應制

平明出御溝，解纜坐迴舟。
綠水澄明月，紅羅結綺樓。
絃歌爭浦入，冠蓋逐川流。
白魚臣作伴，相對舞王舟。

出塞

俠客重恩光，駿馬飾金裝。
瞽開傳羽檄，馳突救邊荒。
轉戰磨笄地，橫行戴斗鄉。
將軍占太白，小婦怨流黃。
驀裏青絲騎，娉婷紅粉粧。
一春一作三春驚度曲，八月鴈成行。
誰堪坐秋思，羅袖拂空床。

張昌宗

少年行

少年不識事落魄游韓魏珠軒流水車玉勒浮雲
騎綬橫意不一然諾心無二白壁贈穠苴黃金奉
毛遂妙舞飄龍管清歌吟鳳吹三春小苑游千日
中山醉直言身可沉誰論名與利依倚孟嘗君自
知能市義

太平公主山亭侍宴

淮南有小山竊女隱其間折桂芙蓉浦吹簫明月
灣扇掩將雛曲釵承墮馬鬣歡情本無限莫掩洛

城關

趙仁獎

河南人景龍中負薪詣闕自云勛國家調鼎即中臺拜詹宗朝左授上蔡丞當時謂

詩句得之假手

句

贈上蔡令潘好禮拜御史朝野僉戴

今乘驄馬去丞脫繡衣來

已籤一

初唐之三八人雜詩

唐音統籤卷

八百二十

趙彥昭

字與然甘州人少以文詞知名景龍中拜相睿宗時官刑部尚書後貶江州別駕

奉和聖製立春日侍宴內殿出前綵花應制

剪綵迎初候攀條寫故真花隨紅意發葉就綠情
新嫩色驚啣燕輕香誤採人應為薰風拂能令芳
樹春

奉和人日清暉閣宴群臣遇雪應制

出震乘東陸憑高御北辰祥雲應早歲瑞雪候初

旬庭

一作宮

樹千花發階蓂七葉新幸承今日宴長

奉萬年春

奉和七夕兩儀殿會宴應制

青女三秋節黃姑七日期星橋度玉珮雲閣掩羅
帷河氣通仙掖天文入睿詞今宵望靈漢應得見
蛾眉

奉和九日幸臨渭亭登高應制

秋豫凝仙覽宸遊轉翠華呼鷹下鳥路戲馬出龍
沙紫菊宜新壽丹萸辟舊邪須陪長久宴歲歲奉
吹花

奉和九月九日登慈恩寺浮屠應制

出豫乘秋節憑高陟梵宮皇心滿塵界佛跡現虛

山霧飛閣旁臨東野春夾路穠花千樹發垂軒弱
柳萬條新處。風光今日好年。願奉屬車塵。

奉和初春太平公主南莊應制

主第巖扃駕鵲橋。天門閣閣降鸞輿。亂旌旆轉
雲樹參差臺榭入。烟霄林間花雜平陽舞。谷裏鶯
和弄玉簫已陪沁水追歡日。行奉茅山訪道朝。

奉和章安樂公主山莊應制

六龍齊軫御朝曦。雙鷁維舟下綠池。飛觀仰看雲
外簷。浮橋直見海中移。靈泉巧鑿天孫渚。孝筭能
抽帝女枝。幸願一生同草樹。正一歲。樂於期。

奉和元日賜羣臣柏葉應制

器之雕梁器材非構厦材但將千歲葉常奉萬年
杯

苑中人日遇雪應制

始見青雲千律呂俄逢瑞雪應陽春今日迴看上
林樹梅花柳絮一時新

奉和聖製韋嗣立山莊應制

廊廟心存岩壑中鑒輿曠在灞城東逍遙自有蒙
莊子漢主徒言河上公

侍宴桃花園詠桃花應制

紅萼競妍春苑曙粉茸新向御筵開長年願奉西
王宴近侍慙無東朔才

秋朝木芙蓉

水面芙蓉秋已衰繁條偏是著花遲平明露滴垂
紅臉似有朝愁暮落時

鄭惟中

宋州人咸興中第進士中宗時拜黃門侍郎御史大夫開元初禮部尚書太子賓客

送蘓尚書赴益州

離憂將歲盡歸望逐春來庭花如有意留艷待人

一作開

宗楚客

字叔毅河東人則天從父姊子累官夏官侍郎神龍中武三思引為兵部尚書同知

政事遷中書令
韋氏敗伏誅

奉和人日清暉閣宴羣臣遇雪應制

窈窕神仙閣參差雲漢間九重中禁啟七日早春
還太液天為水蓬萊雪作山今朝上林樹無處不
堪攀

正月晦日侍宴瀝水應制賦得長字

御輦出明光東流泛羽觴珠胎隨月減玉漏與年
長寒盡梅猶白風遲柳未黃日斜旌騎轉休氣展

一作
林塘

安樂公主移入新宅侍宴應制

星橋他日創仙榜此時開馬向鋪錢埒爾聞美玉

臺人同疑

一作

衡叔美客是

一作

長卿才借問游天

漢誰能取石迴

奉和幸上陽宮侍宴應制

紫庭金鳳潤丹禁玉雞川似立蓬瀛上疑游崑閬
前鳥將歌合轉花共錦爭鮮湛露飛光酒薰風入
舜絃水光搖落日樹色帶晴烟向夕迴
明輦佳氣滿巖泉

奉和幸安樂公主山莊應制

玉樓銀榜枕岩城翠蓋紅旂劉禁營日映層巖圖

盡色風搖雜樹管絃聲水邊重閣含飛動雲裏孤
峯類削成幸觀八龍游閬苑一作幸陪七聖游崑閬無勞萬
里訪蓬瀛

奉和聖製喜雪應制

飄飄瑞雪下山川散漫輕飛集九垓似絮還飛垂
柳陌如花更繞落梅前影隨明月圓紈扇聲逐流
波雜管絃共荷神功萬庾積終朝聖壽有千年

句

竹町羅千衛蘭筵降兩宮

以下並應制
海錄謀事

七萃鑾輿動千年瑞檢開

綵旗臨鳳闕翠幕遶危津

殷薦三神享明祠萬玉陪

武三思

則天兄子封梁王中宗時得幸于
韋后知國改為節愍太子所誅

仙鶴篇

白鶴乘空何處飛青田紫蓋本相依緱山七月雖
長去遼水千年會憶歸緱山杳杳翔寥廓遼水累
纍歎城郭經隨羽客步丹丘曾逐仙人游碧落迢
碧落斷氛埃霞堂雲閣幾重開欲尋東海黃金龜
仍向西山白玉臺九臯獨唳方清切五里驚羣俄
斷絕月下分行似度雲風前颺影疑迴雪風前月

下路漫漫水宿雲翔玄幾般宛轉能傾吳國市徘徊巧拂漢皇壇琴中作曲從來易鼓裏傳聲有甚難夜々恒飛銀漢曲朝々常飲玉池瀾別有聞簫出紫烟還如化履上青天霜毛忽控三神下玉羽俄看二客旋燕雀終迷橫海志蜉蝣豈識在陰年莫言一舉須千里為與三山送九仙

宴龍泓

登臨開勝託眺矚盡良游巖岬縈紆上澄潭屈曲流泛蘭清興洽折桂野文道別後相思處崎嶇碧澗幽

凝碧池侍宴應制得出水槎

彼木生何代為槎復幾年欲乘銀漢曲先泛玉池
邊攬溜根橫岫沈波影倒懸無勞問蜀客此處即
高天

奉和宴小山池賦得谿字應制

年光開碧沼雲色飲青谿凍解魚方戲風暄鳥欲
啼巖泉飛野鶴石鏡舞山雞柳發龍鱗出松新麋
尾齊九韶從此驗三月定應迷

奉和過梁王宅即目應制

巖居多水石野宅滿風烟本謂開三徑俄欣降九

天穿林移步輦拂岍轉行旃鳳竹初垂籜
龜河未吐蓮願持山作壽恒用劫為年

奉和春游龍門應制

鳳駕臨香地龍輿上翠微星宮含雨氣
月殿抱春輝碧澗長虹下雕梁早燕歸
雲疑浮寶蓋石似拂天衣露草侵階長
風花遶席飛日斜宸賞洽清吹入重闈

秋日于天中寺尋復禮上人

妙域三時殿香巖七寶宮金繩先界道
玉柄即談空喻筏知何極傳燈竟不窮
彌天高義遠初地勝

因通理詣歸一處心行不二中有無雙惑遣真俗
兩緣同摘葉類焚翠投花若散紅網珠遙映日簷
鐸近吟風定沼寒光素禪枝暝色葱願隨方便力
長真釋塵籠

句

雲鶴昨易正月駟本難儔

馬海錄
碎事

韋元旦

京兆萬正人擢進士歷左臺御史與張易之通姻屬易之敗敗威義尉復遷韋后姒

以進終中書舍人

奉和九日幸臨渭亭登高應制得月字

雲物開千里天行乘九月絲言丹鳳池旆轉蒼龍

關灞水歡娛地秦京游俠窟欣承解慍詞聖酒黃
花發

奉和送金城公主適西蕃應制

系遠安夷俗和親重漢年軍容旌節送國命錦車
傳琴曲悲千里簫聲戀九天唯應西海月來就掌
珠圓

餞唐州高使君赴任

桐栢膺新命芝蘭惜舊游鳴臯夜鶴在遷木早鶯
求傳擁淮源路轉空灞水流落花紛送遠春色引
離憂

早朝

震維芳月季宸極衆星尊珮玉朝三陟鳴珂度九
門挈壺分早漏伏檻耀初曦北倚蒼龍闕西臨紫
鳳垣詞庭草欲奏一作觀溫室樹無言鱗翰空爲泰
長懷聖主恩

奉和立春遊苑迎春應制

灞涘長安恒一作常近日殷正臘月早迎新池魚戲
葉仍含凍宮女栽花已作春向苑雲疑承翠幄入
林風若起青蘋耳斗柄東無限願挹瓊觴壽北
辰

奉和聖製春日幸望春宮應制

九重樓閣半山霞

一作斜

四望韶陽春未賖
侍蹕妍

歌臨灞浹留觴
艷舞出京華
危竿競捧中街日
戲馬爭嘶上苑花
景色歡娛長若此
承恩不醉不還家

奉和人日宴大明宮恩賜綵綵人勝應制

鸞鳳旌旗拂曉陳
魚龍角觝大明辰
青韶既舉人
為日綺勝初成日
作人聖藻凌雲裁
栢賦仙歌促
宴摘梅春垂旒
一慶宜年酒
朝野俱歡薦
壽新

奉和幸安樂公主山莊應制

銀河南渚帝城隅帝輦平明出九衢刻鳳繡螭凌
桂郎穿池疊一作石寫蓬壺瓊簫暫下鈞天樂綺
綴長懸明月珠仙榜承恩爭既醉方知朝野更歡
娛

興慶池侍宴應制

滄池漭沆帝城邊殊勝昆明鑿漢年夾岫旌旗疏
輦道中流簫鼓振樓船雲峰四起迎宸幄水樹千
重入御筵宴樂已深魚藻詠承恩更欲奏甘泉

夜宴安樂宮主宅

主第新成銀作牓賓筵廣宴玉為樓壺觴既卜仙

人夜歌舞宜停織女秋

馬懷素

字惟白潤州人師事李善博覽經史善屬文舉進士登制科長安中為監察御史守

正不阿累拜中書舍人開元初為戶部侍郎昭文館學士深為玄宗所禮

餞許州宋司馬赴任

穎川開郡邑角宿分躔野君非仲舉才誰是題輿者
潤口琴上鶴蕭口路傍馬嚴程若可留別袂希再祀

奉和九月九日登慈恩寺浮圖應制

季月重陽啓金輿陟寶坊御旂橫日道仙塔儼雲
莊帝踞千官從乾詞七曜光顧慚文墨職無以頌

時康

奉和送金城公主適西蕃應制

帝子今何去
重姻適異方
離情愴宸掖
別路繞關梁
望絕園中柳
悲經陌上桑
空餘願黃鶴
東顧憶迴翔

餞唐州高使君赴任

外牧資賢守
斯人奉帝俞
淮南齊建隼
渭北暫分符
坐歎烟波隔
行嗟物候殊
何年昇美課
迴看一作首北城隅

奉和立春游苑迎春應制

玄籥飛灰出洞房青郊迎氣肇初陽仙輿暫下宜
春苑御醴行開薦壽觴映水輕苔猶隱綠綠堤弱
柳未舒黃唯有栽花歸簪髻恒隨聖藻柳年光

奉和聖製春日幸望春宮應制

綵龍

一作狀

綵龍狀一作綵興俯碧潁行春御氣發皇心搖風細

柳縈馳道映日輕花出禁林遍野園亭開帝幕連
堤草樹柳衣簪謬忝西掖霑光酒顧沐南薰解舞
琴

奉和人日宴大明宮恩賜綵綵人勝應制

萬日

一作宇

宇千門平旦開天容辰

一作萬

象列昭回三

陽候節金為勝百福迎祥玉作杯就暖風光偏著
柳辭寒雪影半藏梅何幸得參詞賦職自憐終乏
馬卿才

奉和幸安樂公主山莊應制

主家臺沼勝平陽帝幸歡娛樂未央掩映瑯寬交
極浦參差繡戶繞迴塘泉聲百處傳歌曲樹影千
重對舞行聖酒一霑何以報唯欣頌德奉時康

興慶池侍宴應制

積水逶迤繞直城含虛皎鏡有餘清圖雲曲榭連
綵幕映日中塘間綵旌賞洽猶聞簫管沸歡留更

睹木蘭輕無勞海上尋仙客即此一作蓬萊在帝

夜宴安樂公主宅

鳳樓辭露凌三襲翠幌玲瓏瞰九衢復道中宵留
宴軒彌令上客想踟躕

餞唐永昌

聞君出宰洛陽隅賓友稱觴餞路衢別後相思在
何處祇應關下望仙鳬

句

蘭將葉布席菊用香浮酒九日臨渭亭登
高庭制得酒字

武平一

本名甄以字行則天族子博學工文辭后在時買禍隱嵩山中京召為起居舍人兼

修文館直學士雖預宴游嘗因詩規誠玄宗初貶荊州參軍徙金壇令

妾薄命

有女妖且麗徘徊湘水湄
水湄蘭杜芳採之將寄誰
瓠犀發皓齒雙蛾顰翠眉
紅臉如開蓮素膚若凝脂
綽約多逸態輕盈不自持
常矜絕代色復時傾城
姿子夫前入侍飛燕復當時
正悅掌中舞寧哀團扇詩
洛川昔云遇高唐今尚違
幽閣禽雀噪閑階草露滋
流景一何速年華不可追
解佩安所贈怨咽空自悲

奉和聖製登驪山高頂寓目應制

鑾輿上碧天
翠帟拖晴烟
絕崕紆仙逕
層巖敞御筵
雲披丹鳳闕
日下黑龍川
更覩南薰奏
流聲入管絃

幸梨園觀打毬應制

令節重遊游
分鑣戲綵球
駉驪迴上苑
蹀躞繞通溝
影就紅塵沒
光隨赭汗流
賞闌清景暮
歌舞樂時休

侍宴安樂公主新宅應制

紫漢秦樓敞
黃山魯館開
簪裾分上席
歌舞列平

臺馬既如龍至人疑學鳳來幸欣一作聯棟華何
以接郅枚

奉和幸白鹿觀應制

玉府凌三曜金壇駐六龍
綵旒懸倒景羽蓋偃喬
松玄圃靈芝秀華池瑞液濃
謬因沾舜渥一作長

願奉充封

奉和送金城公主適西蕃應制

廣化三邊靜通姻四海安
還將膝下愛持副域中
歡聖念飛玄藻仙儀下白蘭
日斜征蓋沒歸騎動
鳴鑾

奉和幸新豐溫泉宮應制

秦王登碣石周后襲崑崙何必在遐遠方稱萬寓
尊我皇順時豫星駕動軒轅雄戟交馳道清笳度
國門迴輿長樂觀校獵上林園行漏移三象連營
總八屯旌搖鸚鵡谷騎轉鳳凰原絕壁蒼苔古靈
泉碧溜溫參差開水殿霹靂敞巖軒一作垣豐邑模一作
龍猶在驪宮迹尚存烟松銜翠幄雪逕遶花源侍
從推玄草文章召虎武一作賁溪仁浹夷夏洪造溢
乾坤謬忝王枚列多慚雨露恩

奉和幸韋嗣立山莊侍宴應制

三光迴斗極萬騎肅鈎陳地若游汾水畋疑歷渭
濱圓塘冰照鏡遙樹露成春絃奏魚聽曲機忘鳥
押人築岩思感夢磻石想垂綸落景搖紅壁層陰
結翠筠素風紛可尚玄澤藹無垠薄暮清笳動天
文煥紫宸一作北辰

奉和正旦賜宰臣栢葉應制

綠葉迎春綠寒枝歷歲寒願持一作將栢葉壽長奉

萬年歡

奉和立春內出綵花樹應制

景龍文館記云時正八日立春
內出綵花賜近臣平一詩成中宗手勅
云平一年雖最少又甚警新悅紅藍之先

開評黃鶯之末
賜花一枝以彰其美
初賜學士花並令
在頭上後所以賜者
拜謝時崔日用來酣
上於簾下見之謂平
花平一跪奏曰讀書
張賜花一枝學平一
臣大笑更賜酒一杯
當時嘆美

鑾輅青旂下帝堦
東郊上苑望春來
黃鶯未解林間囀
紅蕊先從殿裏開
畫閣條風初變柳
銀塘曲水半含苔
欣逢睿藻光韶律
更促霞觴畏景催

興慶池侍宴應制

鑾輿羽駕直城隈
帳殿旌門此地開
皎潔靈潭圖日月
參差画舸結樓臺
波搖所影隨旒轉
風送荷

香逐

一作入

酒來顧奉聖情歡

一作皇歡長

不極長游雲

漢幾昭回

游涇川琴谿同邢巨作

環潭澄曉色疊嶂照秋影幽致欣所逢紛慮自茲

屏

夜宴安樂公主宅

王孫帝女下仙臺金榜珠簾入夜開遽惜瓊筵歡
正洽唯愁銀箭曉相催

奉和聖製幸韋嗣立山莊應制

鳴鑾赫奕下重樓羽蓋逍遙向一丘漢日唯聞白

衣寵唐年更觀赤松游

饒唐永昌

閒君墨綬出丹墀雙鵝飛來佇有期寄謝銅街禁

柳日無忘粉署握蘭時

杜偉

句

忽觀邢武辭冷其金石倚

宣武城德集云唐開元甲子武平一

同游歷川琴路題絕句古刻尚存後一紀杜偉自

逸

杜史謫祿宣城陪連帥班景倩來親題句云云餘

已籤一初唐詩人之四三十人唐晉統籤卷八百二

實希玠扶風人中宗時為禮部尚書開元初太子

學士尋勝宴希玠林亭張說製序云召係竹於伶

官借池亭於貴族夏日帝幸五王第後通希玠宅

令侍臣賦詩實氏為太穆皇后外家世為勳戚貴盛無比

奉和九日幸臨渭亭登高應制得明字

鸞輿巡上苑鳳駕瞰層城御座丹烏麗宸居白鶴

驚玉旗縈桂葉金杯泛菊英九晨陪聖膳萬歲奉

承明

于經野中宗時為戶部尚書

奉和九日幸臨渭亭登高應制得樽字

御氣三秋節登高九曲門桂筵羅玉俎菊醴溢芳
樽遵渚歸鴻度承雲舞鶴騫微臣濫陪賞空荷聖

明恩

楊庶

自省郎為給事中
沈佺期有贈詩

奉和九日幸臨渭亭登高應制得亭字

九日報仙家三秋轉歲華呼鷹下馬路戲馬出龍

沙簪挂丹萸蕊杯浮紫菊花所願同微物年年共

群邪

此詩第二聯
與趙步昭同

苑中遇雪應制

千鐘聖酒御筵披六出祥英亂逸枝即此神仙對

瓊圃何煩轍跡向瑤池

鄭南金

奉和九日幸臨渭亭登高應制得日字

重陽玉律應萬葉金輿出風起韻虞絃雲開吐堯
日菊花浮聖酒菜香挂哀質欲知恩煦多順動觀

秋實

李咸

中宗時
學士

奉和九日幸臨渭亭登高應制得直字

重陽秉令序四野開晴色日月數初并乾坤聖登
極菊黃迎酒泛松翠凌霜直游海難為深負山徒

倦力

辛替否

字協時京兆人景龍中為左拾遺睿宗朝遷殿中侍御史開元中終顏王府長史以

直諫著稱

奉和九月九日登慈恩寺浮圖應制

洪慈均動植至德俯深玄出豫從初地登高適梵

天白雲飛御藻慧日煖皇編別有秋原薈長傾兩

露緣

焚忱

神龍初為地官侍郎

奉和九月九日登慈恩寺浮圖應制

淨境重陽節仙游萬乘來揀更登鷺嶺把菊坐蜂

臺十地祥雲合三天瑞景開秋風詞更遠竊抃樂
康哉

孫佺

字麟德汝州人宰相處約子
為羽林大將軍征契丹戰沒

奉和九月九日登慈恩寺浮圖應制

應節萸房滿初寒菊圃新
龍旗煥宸極鳳駕儼香
闈蓮井偏疑夏梅梁更若春
一欣陪雁塔還似得天身

王景

太原人司門員外郎
荅州刺史

奉和九月九日登慈恩寺浮圖應制

玉輦移中禁珠梯覽四禪
重階清漢接飛竇紫霄

懸綴葉披天
藻吹花散御
筵無因鑿蹕暇
俱舞鶴
林前

周利用

金城公主和蕃利用嘗同
鄭惟忠為護送入蕃使

奉和九月九日登慈恩寺塔應制

出豫乘金節
飛文煥日宮
莫房開聖酒
素苑被玄
功塔向三天
迥池將一作
八解空叨恩
奉蘭籍終
晚冷薰風

張景源

奉和九月九日登慈恩寺浮圖應制

飛塔凌霄起
宸游一局焉
金壺新泛菊
寶座即披

蓮就日搖香輦憑雲出梵天祥氛與佳色相伴雜

爐烟

畢乾泰

奉和九月九日登慈恩寺浮圖應制

鸚鵡林花塔啟鳳輦順時游重九昭皇慶大千揚帝
休耆閣妙法闡王舍睿文流至德覃無極小臣歌

詎酬

翹瞻

奉和九月九日登慈恩寺浮圖應制

扈蹕遊玄地陪仙瞰紫微似邁銖衣却將同羽化

飛雕戈秋日麗寶劍晚霜霏獻觴秉菊序長願奉
天暉

李從遠

奉和九月九日登慈恩寺浮圖應制

九月從時豫三乘為法開中霄日天子牛座寶如
來摘果珠盤獻攀莢玉輦迴顧將塵露點遙奉光
明臺

李恒

奉和九月九日登慈恩寺浮圖應制

寶地隣丹掖香臺瞰碧雲河山天外出城關樹中

分膚藻蘭英秀仙杯菊藥薰願將今日樂長奉聖

明君

李景伯

懷遠之子景龍中為諫議大夫終散騎常侍

回波辭

舊唐書中宗嘗宴侍臣及朝集使酒酣各令為迴波辭衆皆為謠佞語及

自要榮位次至景伯云云中宗不脫蘭至忠稱之曰此真諫官也

回波爾時酒危微臣職在箴規侍燕既過三爵喧

譁竊恐非儀

李日知

榮陽人歷相中宗睿宗名在孝友傳

句

所願但知居者樂無使時稱主者勞

本傳中宗幸安樂公主第

從官賦詩日知平章
獨存規諫識者多之

景龍文館學士

長寧公主宅流盃

憑高瞰迥足怡心
蘭閣桃源不暇尋
餘雪依林成玉樹
殘雲點岫即瑤岑

神龍從臣

侍宴桃花園詠桃花應制

紀事張二童自朔方入朝中宗迎宴

于桃花園命從臣詠桃花時李嶠趙彦昭等各有賦此詩失姓名

源水叢花無數開
丹跗紅萼間青梅
從今結子三

千歲預喜仙游復摘來

唐遠慙

奉和送金城公主適西蕃應制

皇恩睠下人
割愛遠和親
少女風游允
姮娥月去
秦龍笛迎金
勝驪歌送錦
輪那堪桃李
色移向虜

庭春

李行言

隴西人
中宗時為給事中
帝七月七日御
西儀殿會宴命為
步虛歌行言於御
前長

號作三洞道士
音詞歌數
曲貌偉
聲揚上
頻歎美

秋晚度廢關

紀事云
行言函谷詩
為時所許
謂此也

秦郊平舊險
周德畧遺黎
始聞清夜柝
俄見落封
泥物色來無
限津途去不
迷空亭誰問
馬公孫龍
乘白馬

無符傳欲出關關成但鳴雞山月寒彌淨河風

更不聽蓋用此事晚更淒贈言楊伯起非復是關西

盧僊

中宗時人從愿之從父自關西
初入為學士終吏部員外郎

初出京邑有懷舊林

賦生期獨得素業守微班外忝文學知鴻漸鷗鷺

間內傾水木趣築室依近山晨趨天日宴夕卧江

海閑松風生坐隅仙禽舞亭灣曙雲林下客霽月

池上顏雖曰坐郊園靜默非人寰時步蒼龍闕寧

異白雲閑語濟豈時顧默善忘世攀世網余何觸

天涯謫南蠻回首思洛陽喟然悲貞叟舊林日夜

遠孤雲何時還

秋晚坐閣遇舟東下揚州卽事寄上族父江陽令

虎嘯山城晚猿鳴江樹秋紅林架落照青峽送歸
流歸流赴淮海征帆下揚州族父江陽令盛業繼
前修文掩崔亭伯德齊陳太丘時哉惜未與千載
且為憐憶昔山陽會長懷東上游稱觴阮林下賦
雪謝庭幽道濃禮自畧氣舒文轉適高情薄雲漢
酣態坐芳洲接席復連軫出入陪華輶獨善與兼
濟語默奉良籌歲月歎無已風雨暗颼々掌憲時

持節為邦邈海頭子人鬼雖樹蒼生望且留微躬
趨直道神句忝清猷仙臺適西步蠻徼忽南浮宇
內皆安樂天涯獨遠投忠信徒堅伏神明豈默訓
親生海漫日稽命天悠悠雲昏巴子峽月遠吳王
樓懷昔胡不寐悲今歲屬周喟無排雲翮暫得抒
離憂空灑霑紅淚萬里逐行舟

謙帝挽歌詞二首

開元二十九年冬十一月
太尉寧王憲薨帝失聲號

慟曰天下兄之天下也固
謙於我乃追謚曰讓皇帝

泰伯玄風遠延州德讓行闔棺追大節樹羽冊鴻
名地戶迎天仗皇階失帝兄還聞漢明主遺一作解

劍泣東平

朝天馳馬絕冊帝 宮祖恍惚陵廟新蕭條池館
古萬化一朝空哀樂此路同西園有明月條竹韻
悲風

十月梅花書贈

君不見巴鄉氣候與華別年年十月梅花發上苑
今應雪作花寧知此地花為雪自從遷播落黔巴
三見江上開新花故園風花虛洛浦窮峽凝雲度
歲華花情縱似河陽好客心倍傷邊候早春候颯
驚樓上梅霜歲未落江潭草江水侵天去不還樓

花覆簾空坐攀一向花前看白髮幾回夢裏憶紅
顏紅顏白髮雲泥改何異桑田移碧海却想華年
故國時唯餘一片空心在空心弔影向誰陳雲臺
仙閣舊游人儻知已樹連冬發應憐南國氣長春
歲晚還京臺望城闕成口號先贈交親

紫陌閣行樹朱城出晚霞猶憐慣去國疑是夢還
家風弱知催柳林青覺待花交親望歸騎幾處擁
年華

送蘓八給事出牧徐州用芳韻

相國請出

金鼎屬元方環關連季常畏盈酌出守分命乃維

良曉騎辭朝遠春帆向楚長賢哉謙自牧天下詠
餘芳

上幸皇太子新院應制

佳氣曉蔥蔥乾行入震宮前星迎北極少海被南
風視膳銅樓下吹笙玉座中訓深家以正義舉俗
為公父子成創合君臣禹啟同仰天歌聖道猶愧
乏雕蟲

奉和幸令扈從溫泉宮賜游驪山韋侍郎別
業

風后軒皇佐雲峰謝客居承恩來翠嶺締賞出丹

除飛蓋松篁一作谿寂清笳玉洞虛窺巖
水畧泉魚鄉入無何有時還上古初伊臯
覬丙服麤疎白雪緣情降青霞落卷舒多
在輒繼國風餘

李冬送戶部郎中使黔府選補

握鏡均荒服分衡得大同徵賢一臺上補吏五谿
中雨露將天澤文章播國風漢庭睽直諫楚峽望
清通馬逐霜鴻漸帆沿曉月空還期鳳池拜照耀
列星宮

途中口號

吳華作
郭向詩

抱玉三朝楚懷書十上秦
年年洛陽陌花鳥共歸人

南樓望

去國三巴遠登樓萬里春
傷心江上客不是故鄉人

臨川送別

秋郊日半隱野樹烟初暝
風水正蕭條那堪動離詠

題殿前桂葉

桂樹生南海芳香隔楚_{遠一作}山
今朝天上見疑是

月中攀

郭利貞

神龍中為吏部員外賦上元詩興藻味適崔液並為絕唱

上元

九陌連燈影千門編度

一作

月華傾城出寶騎匝路

轉香車爛熳惟愁曉周游不問家更逢瘖管發處

處落梅花

宋務光

字子昂一名烈西河人舉進士及第神龍中為右衛將軍參軍應詔上書以切直

不見細終御史右臺

海上作

曠哉潮汐地大矣乾坤力浩浩去無際茫茫深不

測崩騰歛衆流波濤環中國鱗介錯殊品氛霞饒
詭色天波混莫分島嶼遙難識漢主揆靈恆秦王
恣游陟搜奇大壑東竦壑成山北方術徒相誤蓬
萊安可得吾君畧仙道至化享淳熙驚浪晏窮溟
飛航道絕域馬韓底厥貢龍伯修其職粵我邁休
明匪躬期正直敢輸鷹隼執以間豺狼忒海路行
已殫輜軒未皇息勞歌玄月暮旅睇滄浪極魏闕
渺雲端馳心附歸翼

劉懷一

唐新語云懷一有才藻自瀛洲司法拜右臺殿中

贈右臺監察鄧茂遷左臺殿中

張紘一作法御史大夫唐新語又云嘗自左拾遺貶許州司

行路難

君不見溫家玉鏡臺提携抱握九重來君不見相
如綠綺琴一撫一拍鳳凰音人生意氣須及早莫
負當年行樂心荆王奏曲楚妃歎曲盡歡終夜將
半朱樓銀閣正平生碧艸青苔坐蕪蔓常春對酒
不須疑視日相看能幾時春風吹盡燕初至此時
自為稱君意秋露萎草鴻始歸此時衰暮與君違
人生翻覆何常定誰保容顏無是非

和呂御史詠院中裝竹

聞君庭竹詠
幽意歲寒多
歎息為冠小
良工將素何

閨怨

被玉集
作張球

去年離別雁初歸
今夜裁縫螢已飛
征客近來音信斷
不知何處寄寒衣

韓思彥

御史

酬賀遂亮

古人一言重
嘗謂百年輕
今投歡會面
願盼盡平生
簪裾非所託
琴酒異相併
異日同游處
通宵款

素誠霜飄知柳脆雪冒覺松貞願言何所適幸得

歲寒名

賀遂亮 御史

贈韓思彥

唐新語云遂亮與思彥同在
運臺欽思彥之風韻贈詩云

意氣百年內平生一寸心
欲交天下士未面已虛襟
君子重名義直道冠衣簪
風雲行可託懷抱自然
溪落霞靜霜景墜葉下
風林若上南登岼希訪
北山岑